



**ՊՐՈՕՐԻԵՆՏԵ ԿԱԶՄԱԿԵՐՊՈՒԹՅԱՆ ՊԱՏՎԻՐԱԿՈՒԹՅԱՆ
ԱՅՅԸ ԵՐՈՒՍԱՂԵՄԻ ՀԱՅՈՑ ՊԱՏՐԻԱՐՔԱՐԱՆ՝ ԿԱՐԴԻՆԱԼ
ՖՐԱՆՑ ՔՅՈՆԻԳԻ ԳԼԽԱՎՈՐՈՒԹՅԱՄԲ**

1982 թվականի հոկտեմբերի 29-ին, ուրբաթ օրը, առավոտյան, Պրո-Օրի-ենտե կապմակերպության պատվիրակությունը, նախօրոք եղած կարգադրու-թյանց համաձայն, պաշտոնական այցով եղել է Երուսաղեմի հայոց Սրբոց Հա-կոբյանց վանքում: Պատվիրակության անդամները այցելել են Ս. Հակոբի Մար-տաճարը և «Եդուարդ ու Հելեն Մարտիրոսյան թանգարանը»: Այնուհետև նրանց ցույց են տրվել տաճարի գանձատանը ի պահ դրված հայ եկեղեցական ար-վեստի մի շարք արժեքավոր նմուշներ:



Երուսաղեմի հայոց Ամենապատիվ Ս. Եղիշե Սրբազան Պատրիարքը և Վիեննայի Արքեպիսկոպոս կարդինալ Ֆրանց Քյոնիգը՝ շրջապատված հայ բարձրաստիճան հոգևորականներով

Սույն օրը, երեկոյան, պատրիարքարանի դահլիճում, ի պատիվ Վիեննայի Արքեպիսկոպոս կարդինալ Ֆրանց Քյունլիգի և Պրո-Օրիենտե կապմակերպության պատվիրակության, Երուսաղեմի հայոց Պատրիարք Տ. Եղիշե արքեպիսկոպոսը տվել է պաշտոնական ճաշկերույթ, որին ներկա են եղել Երուսաղեմում Ավստրիայի հյուպատոսության կազմը, օտար եկեղեցական հարանվանությունների, ինչպես նաև Երուսաղեմի հայկական կապմակերպությունների ներկայացուցիչներ:

Կարդինալ Ֆրանց Քյունլիգը, իր անակնկալ հիվանդության պատճառով, չի կարողացել ներկա գտնվել սույն այցելությանը: Սակայն նոյեմբերի 2-ին, երկուշաբթի օրը, առավոտյան, եկել է հայոց պատրիարքարան իր հարգանքը և ջնորհակալությունը հայտնելու Ամենապատիվ Տ. Եղիշե Սրբապան Պատրիարքին՝ պատվիրակության անդամներին ցույց տրված սիրալիր ընդունելության համար: Այդ առթիվ Սրբապան Պատրիարքը կարդինալ Ֆրանց Քյունլիգին պատվել է Ս. Հակոբի ոսկյա խաչով, իսկ կարդինալը Նորին Ամենապատվությանը նվիրել է մի սկիհ ի նշան քրիստոնեական եղբայրական սիրո:

